



Broj: UP-I-KSI-09-03/24

Datum: 29.02.2024. godine

Na osnovu člana 25. stav (1) tačka a) i b), člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj: 19/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane G. S., iz Brčkog, ulica [REDACTED] [REDACTED] broj [REDACTED], člana Upravnog odbora JP „Putevi Brčko“ d.o.o. Brčko distrikta BiH, nosioca javne funkcije, na 81. sjednici, održanoj dana 29.02.2024. godine, donosi

### RJEŠENJE

1. UTVRĐUJE SE da je G. S. iz Brčkog, ulica [REDACTED] [REDACTED] broj [REDACTED], člana Upravnog odbora JP „Putevi Brčko“ d.o.o. Brčko distrikta BiH, kao nosilac javne funkcije postupio protivno članu 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine, na način da u roku od 30 dana od dana stupanja na javnu funkciju, Komisiji za odlučivanje o sukobu interesa nije podnio izvještaj o imovinskom stanju nosioca javne funkcije.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, G. S. se shodno članu 39. stav (1) tačka b) Zakona izriče novčana kazna, i to obustavom dijela isplate naknade, koju nosilac javne funkcije prima za obavljanje javne funkcije u iznosu od 10% (deset posto) neto naknade.

### Obrazloženje

G. S. obavlja funkciju člana Upravnog odbora JP „Putevi Brčko“ d.o.o. Brčko distrikta BiH, a na osnovu odluke Skupštine Brčko distrikta BiH, broj: [REDACTED] od 24.05.2023. godine, te shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Uvidom u obavještenje i Obrazac o javnoj funkciji i nosiocu javne funkcije-Aneks I, dostavljen Komisiji za odlučivanje o sukobu interesa od strane JP „Putevi Brčko“ d.o.o. Brčko distrikta BiH dana 02.02.2024. godine shodno članu 18. Zakona, utvrđeno je da je G. S. kao član Upravnog odbora JP „Putevi Brčko“ d.o.o. Brčko distrikta BiH stupio na javnu funkciju dana 24.05.2023. godine.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Dana 08.02.2024. godine, Komisija za odlučivanje o sukobu interesa po službenoj dužnosti, zaključkom broj: UP-I- KSI-09-03/24 pokrenula je postupak protiv nosioca javne funkcije, G. S. iz Brčkog, člana Upravnog odbora JP „Putevi Brčko“ d.o.o. Brčko distrikta BiH, radi sumnje da nije Komisiji dostavio Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, Aneks II, čime je postupio protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana prijema zaključka.

Nakon prijema Zaključka o pokretanju postupka, broj: UP-I-KSI-09-03/24 od 08.02.2024. godine, zaprimljen dana 17.02.2024. godine, G. S., član Upravnog odbora JP „Putevi Brčko“ d.o.o. Brčko distrikta BiH, dana 20.02.2024. godine, dostavio je Komisiji Izjašnjenje u kojem je naveo da je po prvi put nosilac javne funkcije i da nije bio upoznat sa cjelokupnom zakonskom regulativom koju je morao sam ispuniti, te da ne bude predmet disciplinskih ili prekršajnih mjera koje izvršava Komisija za odlučivanje o sukobu interesa. Takođe je naveo da je kao član Upravnog odbora JP „Putevi Brčko“ d.o.o. Brčko distrikt BiH sam kontaktirao zaduženog zaposlenika na referatu ljudskih resursa u JP „Putevi Brčko“ d.o.o. Brčko distrikt BiH, pri čemu nije dobio nijednu smjernicu oko svojih obaveza prema Vladi Brčko distrikta BiH ili prema drugim institucijama i komisijama u Brčko distriktu BiH. Kako od mjerodavne osobe u JP „Putevi Brčko“ d.o.o. Brčko distrikt BiH nije dobio nikakva uputstva nije znao za obavezu podnošenja Izvještaja, tako nije ni izvršio svoju obavezu popunjavanja Aneksa II.

Članom 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije dužan u roku od 30 dana od dana stupanja na javnu funkciju podnijeti Komisiji Izvještaj za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda Zakona, s obzirom na to da je G. S., kao nosilac javne funkcije, propustio da u roku od 30 dana od dana stupanja na javnu funkciju člana Upravnog odbora JP „Putevi Brčko“ d.o.o. Brčko distrikta BiH, podnese Komisiji Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, Aneks II, čime je postupio protivno gore navedenim zakonskim odredbama.

Član 38. Zakona propisuje kazne nosiocu javne funkcije koji postupi suprotno članu 19. Zakona o sprečavanju sukoba interesa u institucijama Brčko distrikta Bosne i Hercegovine, dok su članom 39. Zakona propisane novčane kazne nosiocu javne funkcije koji postupi suprotno odredbama člana 19. Zakona.

Komisija je, shodno članu 39. Zakona o sprečavanju sukoba interesa u institucijama Brčko distrikta BiH, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona. Komisija je cijenila činjenicu da je G. S. kao novoimenovani nosilac javne funkcije, a kako je naveo i u izjašnjenju, nenamjerno propustio da podnese u roku Izvještaj o imovini, činjenicu da je G. S. odmah po prijemu Zaključka dostavio Komisiji Izvještaj o imovinskom stanju, pa je cijeneći ponašanje imenovanog prema kršenju odredaba Zakona kao i opredijeljenost imenovanog da postupi u skladu sa Zakonom, te otkloni razloge koji su ga doveli do kršenja Zakona odmah podnio Izvještaj o imovinskom stanju, odlučeno je da se izrekne novčana kazna obustavom dijela isplate neto mjesečne naknade, koju nosilac javne funkcije prima za obavljanje javne funkcije u iznosu od 10% (deset posto) neto naknade, kako je to navedeno u stavu (2) izreke rješenja i da ista u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4. 25. i 39. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

**POUKA O PRAVNOM LIJEKU:**

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik  
Komisije za odlučivanje o sukobu interesa

---

Admira Mujić, dipl. pravnik

Dostavljeno:

1. G. S., ulica [REDACTED] [REDACTED] broj [REDACTED], Brčko distrikt BiH,
2. Internet stranici Komisije,
3. Evidenciji i
4. Arhivi.